

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Si po i ndihmon Al-Kaida sulmet e militantëve në Pakistan – Vizion Plus
ADRESA	https://www.vizionplus.tv/si-po-i-ndihmon-al-kaida-sulmet-e-militanteve-ne-pakistan/
BURIMI	vizionplus.tv
GJENDJA	edited

KOHA


KAPUR NGA NE	10 shtator 2026, 10:09:17 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	10 shtator 2026, 10:02:59 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	882cbbcbf438ec39f316d0476da080c55ae8e9bad41a05ba96897caaef8f7024
TEKSTI	952c38082e1f73039201a2a1656b0268fc95b9d8776e7cbfa753c27fbd0c4b2f
PAMJA	42e62a35029e5edf9f8d27cf9afa50fa351d5c0ac0146e582fa06765a02b084c

ZINXHIRI I PROVËS

KJO HYRJE	f75fb70fc7357455bba53334355e7d00a96e549e70afd8d9c2d21d4faf3e6524
E MËPARSHMJA	838d751235ec7e7546c1f4279bc4540ca33943d3506b41b564efaaed683e740f
RRËNJA MERKLE	—
ANKORIMI	nuk është ankoruar ende <i>Kjo hyrje nuk është përfshirë ende në asnjë pemë Merkle të dërguar. Zinxhiri i hash-eve provon rendin dhe integritetin; koha jo.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahajo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/f75fb70fc7357455bba53334355e7d00a96e549e70afd8d9c2d21d4faf3e6524>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



Në maj, një shpërthim në një pikë kontrolli të policisë në veriperëndim të Pakistanit u pasua nga një shkëmbim intensiv zjarri, ku u vranë 21 persona. Ky ishte vetëm një nga një sërë incidentesh të dhunshme, në të cilat militantë që operojnë nga Afganistani, me mbështetjen e Al-Kaidës, kanë ndërmarrë sulme ndaj objektivave në Pakistanin fqinj.

Një çerekshekull më parë, Shtetet e Bashkuara e dëbuan Al-Kaidën nga Afganistani drejt Pakistanit fqinj. I shpërndarë dhe e dobësuar shumë, rrjeti terrorist u rigrupua në zonat fisnore të Pakistanit, me ndihmën dhe nën mbrojtjen e Tehrik-e Taliban Pakistan (TTP), një grup i themeluar në vitin 2007 që përbëhet kryesisht nga të rinj të zonave fisnore të cilët janë të influencuar nga talibanët afganë.

Tani, me talibanët afganë sërish në pushtet në Kabul, lidhja mes TTP-së dhe Al-Kaidës është më e fortë se kurrë. Al-Kaida ka ndihmuar në formësimin e strategjisë, operacioneve propagandistike dhe kapaciteteve trajnuese të TTP-së, duke i mundësuar këtij grupi të intensifikojë sulmet ndaj autoriteteve pakistaneze.

Lidhje të vjetra, agjenda të reja

Për herë të parë në prill, krahu mediatik i Al-Kaidës, Fondacioni Mediatik Al-Sahab, në mënyrë eksplicite shprehu mbështetjen e grupit terrorist për operacionet e TTP-së kundër Pakistanit.

“Teksa Al-Kaida i ka ofruar TTP-së udhëzime ideologjike, trajnim dhe mbështetje gjatë kryengritjes së grupit kundër Pakistanit, kjo deklaratë

Tirane në favor të një partie politike...

NEWSLETTER

Përmbledhja e ditës në e-mail

Abonohu

publike ishte më e drejtpërdrejtë”, thuhej në një raport të publikuar në gusht nga Ekipi i Kombeve të Bashkuara për Mbështetjen Analitike dhe Monitorimin e Sanksioneve.

Amira Jadoon, profesoreshë në Universitetin Clemson në Karolinën e Jugut, i tha Radios Evropa e Lirë (REL) se “marrëdhënia [Al-Kaidë-TTP] duket se shtrihet nga mbështetja praktike në terren deri tek integrimi i narrativit në nivelet drejtuese”.

Një hulumtues pakistanez, i cili nuk mund të identifikohet për arsye sigurie, i tha REL-it se lidhjet mes Al-Kaidës dhe TTP-së tashmë janë “të rrënjosura thellë dhe edhe më të forta”. “Udhëheqja arabe e Al-Kaidës i beson TTP-së më shumë se kujtdo tjetër në rajon”, tha hulumtuesi.

Megjithatë, natyra e saktë e lidhjeve mes dy grupeve mbetet e paqartë. Ricardo Alvarez, një konsulent kërkimor që analizon militantizmin në Azinë Qendrore dhe Jugore, i tha REL-it se që nga viti 2020, “Al-Kaida është përpjekur t’i detyrojë talibanët pakistanezë [një tjetër emër që përdoret për TTP-në] të shpërbëhen dhe të bashkohen me Al-Kaidën”.

Besohet se talibanët afganë po e shtyjnë përpara këtë përpjekje. Që nga rikthimi në pushtet në Kabul, ata u kanë ofruar strehë të sigurt një sërë grupesh militante, përfshirë strehim dhe pagesa.

Talibanët në Afganistan kanë lëshuar tazkira, karta lokale të identifikimit, për anëtarët e TTP-së, Al-Kaidës dhe degës së lidhur me të, Al-Kaida në Nënkontinentin Indian (AQIS), si dhe për militantë ujugurë nga Lëvizja Islamike e Turkistanit Lindor (ETIM), e njohur gjithashtu si Partia Islamike e Turkistanit (TIP).

Zgjerimi i mbështetjes së Al-Kaidës

Ekspertët thonë se Al-Kaida jo vetëm që po ndihmon TTP-në, por edhe e ka diversifikuar mbështetjen e saj për grupe të tjera militante.

Një prej këtyre grupeve është Ushtria Çlirimtare e Baloçistanit (BLA), e cila së bashku me TTP-në, ka zhvilluar një fushatë të dhunshme në veri dhe jug të Pakistanit, duke shënjestruar agjencitë pakistaneze të sigurisë. Teksa TTP-ja lufton për vendosjen e Ligjit të Sheriatit sipas modelit taliban në Pakistan, BLA-ja kërkon një Baloçistan të pavarur. Raporti i OKB-së i publikuar në gusht, duke cituar një “shtet anëtar” të paidentifikuar, sugjeron se Al-Kaida po trajnon militantë të BLA-së.

Në mars të vitit 2025, BLA-ja rrëmbeu një tren në një prej operacioneve të saj më të guximshme në Pakistan, në provincën e trazuar të Baloçistanit, e cila kufizohet me Iranin dhe Afganistanin. Dhjetëra persona u vranë gjatë operacionit të mëvonshëm të shpëtimit nga forcat pakistaneze të sigurisë.

Një tjetër grup është Ittihad-ul-Mujahideen Pakistan (IMP), një aleancë xhihadiste që operon në provincën veriperëndimore pakistaneze Kiber Paktunkvës, e cila kufizohet me Afganistanin. Sipas monitoruesve të OKB-së, IMP-ja mbështetet me trajnim dhe strategji nga AQIS-i.

IMP-ja mori përgjegjësinë për sulmin e majit ndaj një post blloku policor në veriperëndim të Pakistanit, të cilin raporti i OKB-së e përshkroi si “një sulm vetëvrasës dhe shpërthim të një mjeti shpërthyes të improvizuar të montuar në një automjet”. Raporti shtoi se “AQIS-i është shtylla kurrizore” e IMP-së.

Edhe pse Al-Kaida e ka zaiëruar mbështetjen e saj për arupe të tjera. TTP-

ja ka nxitur reagimin më të fuqishëm të Pakistanit. Në tetor të vitit 2025, TTP-ja i zuri pritë një autokolone ushtarake pakistaneze pranë kufirit me Afganistanin, duke vrarë 11 ushtarë.

Ky sulm e shtyu Pakistanin të kryente sulme ajrore përtej kufirit, duke shënjestruar Kabul, si dhe zonat në provincat afgane kufitare Kost, Paktika dhe Nangarhar. Përgjatë pjesës së mbetur të atij viti pati përlëshje sporadike kufitare mes talibanëve dhe **rojeve kufitare pakistaneze**, teksa tensionet mes dy palëve mbeten të larta.

Megjithatë, disa ekspertë kanë sugjeruar se roli i Al-Kaidës në këto sulme është ekzagjeruar.

Abdul Sayed, hulumtues i grupeve xhihadiste në Afganistan dhe Pakistan, me bazë në Suedi, e quajti marrëdhënien Al-Kaidë-TTP një “mit”. Sayed i tha REL-it se, megjithëse Al-Kaida ndihmoi në krijimin e kryengritjes xhihadiste në Pakistan pas 11 shtatorit, duke mentoruar militantët lokalë, “ndikimi i saj ka rënë ndjeshëm që nga viti 2014”.

Sayed tha se TTP-ja nuk ka nevojë për mbështetjen e Al-Kaidës për të zbatuar agjendën e saj, e cila është kryesisht e përqendruar te Pakistani.

“Agjenda globale e Al-Kaidës është e dëmshme për objektivat e TTP-së në Pakistan”, tha ai duke shtuar se TTP-ja është përpjekur vazhdimisht të distancohet nga Al-Kaida që nga rikthimi i talibanëve në pushtet në vitin 2021.

“Tani TTP-ja po ndjek një trajektore tjetër dhe Al-Kaida ka një rrugë tjetër strategjike. Por, natyrisht, në aspektin ideologjik, janë disa pika të përbashkëta”, tha Sayed.

“Çështja më e thellë është narrativi”

Ndoshta bashkëveprimi është ende më i fortë në fushën e medias dhe propagandës. Një raport i OKB-së i dhjetorit 2025 e përshkroi Al-Kaidën si “ofruese shërbimesh” për grupet militante në Afganistan, duke u ofruar atyre “trajnim, këshilla dhe mbështetje logjistike”.

“Konvergjenca e propagandës është shtresa më e dukshme”, tha Jadoon, duke shtuar se ka pasur një ndryshim të dukshëm në materialet e publikuara nga krahuri mediatik, Umar, i TTP-së që kur një ish-udhëheqës i AQIS-it, Chaudhry Muneeb ur Rahman, i njohur si Muneeb Jatt, mori drejtimin e tij në vitin 2021.

“Çështja më e thellë është narrativi”, shtoi ajo, duke thënë se AQIS-i e ka riformuluar luftën e brendshme të TTP-së si një betejë globale kundër Shteteve të Bashkuara, duke e paraqitur Pakistanin si një bashkëpunëtor të Amerikës.

“Nëse ky kornizim zë vend, fushata e TTP-së i shërben agjendës transnacionale të Al-Kaidës, pa qenë nevoja që TTP-ja të ndryshojë aspak sjelljen e saj”, tha ajo./rel



Redaksia Web

Gazetar/e · Vizion Plus · Redaksia e Vizion Plus.

[Të gjithë artikujt](#)

| Vazhdo të lexosh



BOTA

Tragjedi! Përmbysset anija me pasagjerë,...

Xhuljana
Zhuleku

Dje
23:17



BOTA

Zjarr masiv në Kroaci, evakuohen 230...

Xhuljana
Zhuleku

Dje
19:36



BOTA

Trump: Lufta me Iranin do të...

Xhuljana
Zhuleku

Dje
18:51



Vizion Plus është një nga televizionet kryesore kombëtare në Shqipëri — lajme, programe, seriale dhe sport, drejtpërdrejt dhe on demand, 24 orë në ditë, kudo që je.

LIVE



Lajme

Politikë
Bota
Vendi
Kronikë
Lifestyle

Programe

Programe
Seriale
Guida TV
Video
Ekipi i Vizion Plus

Rrjeti

Rreth nesh
Karriera
Kontakt
Reklamo me ne
Dërgo lajmin tënd

Ligjore

Kushtet e përdorimit
Privatësia
Cookies
Politika editoriale

© 2026 Vizion Plus · Të gjitha të drejtat e rezervuara

vizionplus.tv

Kthehu lart ↑

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.